

*Aðför - Fjárnám.*

28. gr.

Öll gjöld samkvæmt reglugerð þessari og gjaldskrá má innheimta með fjárnámi, sbr. 10. tl. 1. mgr. 1. gr. laga um aðför nr. 90/1989, sbr. 79. gr. orkulaga nr. 58/1967.

*Viðurlög.*

29. gr.

Brot á reglugerð þessari varða sektum, nema þyngri refsing liggji við að lögum. Með mál út af brotum á reglugerð þessari skal farið að hætti opinberra mála.

*Gildistaka o.fl.*

30. gr.

Reglugerð þessi, sem er unnin og samþykkt af stjórn Hitaveitu Dalabyggðar ehf. og hefur jafnframt verið samþykkt af sveitarstjórn Dalabyggðar, er hér með staðfest samkvæmt orkulögum nr. 58 frá 29. apríl 1967, með síðari breytingum, og öðlast gildi þegar í stað.

*Iðnaðarráðuneytinu, 24. nóvember 2000.*

**Valgerður Sverrisdóttir.**

\_\_\_\_\_  
*Þorgeir Örlygsson.*

**REGLUGERÐ****um breytingu á reglugerð nr. 4/1999 um  
húsaleigubætur, sbr. reglugerð nr. 9/2000.**

1. gr.

3. málsl. 1. mgr. 1. gr. reglugerðarinnar, með síðari breytingu, orðast svo:

Til viðbótar koma 15% þess hluta leigufjárhæðar er liggur á milli 20.000 – 50.000 kr.

2. gr.

2. mgr. 1. gr. reglugerðarinnar orðast svo:

Húsaleigubætur skerðast óháð fjölskyldustærð í hverjum mánuði um 1% af árstekjum umfram 2,0 millj. kr.

3. gr.

3. mgr. 1. gr. reglugerðarinnar, með síðari breytingu, orðast svo:

Húsaleigubætur geta þó aldrei orðið hærri en sem nemur 50% af leigufjárhæð, að hámarki 35.000 kr. á mánuði.

4. gr.

Reglugerð þessi, sem sett er samkvæmt heimild í 21. gr., sbr. 5. gr. laga nr. 138/1997 um húsaleigubætur, öðlast gildi 1. janúar 2001.

*Félagsmálaráðuneytinu, 7. desember 2000.*

**Páll Pétursson.**

\_\_\_\_\_  
*Óskar Páll Óskarsson.*